



*Ministarstvo prostornog uređenja,
građenja, zaštite okoliša, povratka i
stambenih poslova Travnik*
INSPEKTOR ZAŠTITE OKOLIŠA

*Ministarstvo prostornog uređenja,
građenja, zaštite okoliša, povratka i
stambenih poslova Travnik*
INSPEKTOR ZAŠTITE OKOLIŠA

Broj: 07-19-2825/24
Travnik, 13.04.2024.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 18-04-2024			
Opć. jed.	Broj	Priloga	Vrijednost
05/1	- 02 -	94/	24

FMOIT
Hamdije Čemerlića 2, Sarajevo

Parlament Federacije Predstavnički/Zastupnički dom
Hamdije Kreševljakovića 3, Sarajevo

JP "Vodovod i Kanalizacija" doo
Kraljice Mira, Kiseljak

O B A V I J E S T

PREDMET : Zastupničko pitanje zastupnika Slaven Raguč – dostava na uvid i postupanje

Dana 13.04.2024.godine inspektor zaštite okoliša Ministarstva prostornog uređenja, građenja, zaštite okoliša, povratka i stambenih poslova SBK/KSB, Travnik, zaprimio je putem pošte zastupničko pitanje poslano od strane Federalnog ministarstva okoliša i turizma broj 07-19-2825/24 od 28.03.2024.godine na postupanje te poduzimanje uvida u pogledu nadzora deponije, okolišne dozvole i monitoringa tla te monitoringa procjednih voda koji je propisan okolišnom dozvolom.

Inspektor zaštite okoliša je, u granicama propisane mu nadležnosti, izvršio nadzor u firmi JP "Vodovod i kanalizacija" doo Kiseljak, općina Kiseljak te je tom prilikom konstatirano da deponija "Berberuša" ne posjeduje propisane dozvole, niti okolinsku ni dozvolu za upravljanje otpadom, i da se skladištenje otpada vrši sa određenim tretmanom zatrpavanja i slično. Prilikom zatrpavanja, a i manipulativnih radova trećih lica koja otkopavaju otpad koji se može koristiti, dolazi do gorenja unutar otpada što stvara dim.

Na uvid je predočena Odluka općinskog načelnika Općine Kiseljak broj 01-11-208/20 od 23.01.2020.godine gdje se imenuje odgovorna osoba - inspektor za komunalne poslove, lokalne puteve i zaštitu okoliša u Službi za inspeksijski nadzor Općine Kiseljak Željko Vučić za provođenje plana prilagođavanja upravljanja otpadom na lokalitetu "Berberuša" Kiseljak. Na uvid je predočen Zaključak općinskog vijeća Kiseljak broj 01/1-19-1017/23 od 12.05.2023.godine gdje se zadužuje JP "Vodovod i kanalizacija" doo Kiseljak za izradu i dostavljanje analize o primjeni Odluke o cijenama pružanja usluga zbrinjavanja komunalnog otpada. Predočen je i ZK izvadak gdje je oznaka nekretnine Berberuša šuma i navedena kao državna svojina – organ upravljanja Šumsko industrijsko preduzeće "Vranica" Fojnica. Prema nalogu Federalne uprave za inspeksijske poslove Općina Kiseljak i JP "Vodovod i kanalizacija" doo su u januaru 2013 godine izradili Plan prilagođavanja upravljanja otpadom za deponiju "Berberuša" koji je bio odobren od strane Federalnog ministarstva okoliša i turizma a definira dinamiku prilagođavanja deponije komunalnog otpada.

Također priložen je i Zaključak FMOIT-a UP-105/2-02-19.5-44/20 od 15.04.2020.godine gdje se odbacuje novi zahtjev operatora JP "Vodovod i kanalizacija" doo Kiseljak za odobrenje Plana

prilagođavanja za deponiju komunalnog otpada na lokalitetu Berberuša Kiseljak a obrazloženo je da je uvidom u evidencije Federalnog ministarstva okoliša i turizma utvrđeno da postoji Rješenje o odobrenju Plana za prilagođavanje deponije komunalnog otpada broj UP-I 05/2-23-11-25/13 od 23.04.2014.godine kojim je operator bio u obavezi da postepeno uđe u proces zatvaranja predmetne deponije i pristupi postupku rješavanja zbrinjavanja komunalnog otpada putem regionalnog-međupćinskog centra o upravljanju komunalnim otpadom, kao i odluka općinskog vijeća Kiseljak objavljena u Službenom glasniku Općine Kiseljak 9/21 od 06.12.2021.godine gdje se navodi da je za navedenu deponiju potrebno uraditi plan rekultiviranja i zatvaranja, te da će ona egzistirati do opredijeljenja Općine Kiseljak, na temelju ekonomske opravdanosti, na koju će regionalnu ili međupćinsku deponiju vršiti odlaganje komunalnog otpada u skladu sa važećom legislativom.

Na uvid je predočen izvještaj o rezultatima fizikalno-hemijskih i mikrobioloških ispitivanja rijeke Lepenice broj 01-2-30-XII/23 od 26.10.2023.godine urađen od ispitnog laboratorija Zagrebinspekt gdje je na osnovu rezultata fizikalno hemijskih analiza utvrđeno da su svi ispitani parametri u granicama dopuštenih vrijednosti propisanih Uredbom o opasnim i štetnim tvarima u vodama (Sl novine FBiH 43/07).

Direktor Mladen Medić je na licu mjesta predočio situaciju u napuštenom vojnom objektu gdje se vrši sortiranje i odvajanje gorivih materijala (plastike, gume, kartona) kako bi se smenijala mogućnost paljevine i samozapaljenja na lokalitetu deponije, u tom smislu stoji i Odluka o davanju zemljišta na korištenje Općini Kiseljak od Vlade Federacije broj 1572/2022 od 10.11.2022.godine, te Ugovor o korištenju zemljišta u Kiseljaku između Općine Kiseljak koju zastupa načelnik Mladen Mišurić-Ramljak i Službe za zajedničke poslove organa i tijela Federacije BiH koju zastupa direktor Davorin Korać.

Kantonalni inspektor zaštite okoliša je nakon sagledavanja pravnog osnova okolinskih propisa SBK/KSB, Federacije BiH i uvida u službenu evidenciju Ministarstva, te činjenica da po predmetnoj stvari nisu vođeni postupci na nivou ovog organa iz dõmena resorne nadležnosti (prostorno uređenje i zaštita okoliša), izlazio na teren sa kolegama urbanističko-građevinskim inspektorom i inspektorom zaštite okoliša i 16.08.2023. te konstatirao da u istoj upravnoj stvari ne postoji kantonalna nadležnost.

Članom 26. Zakona o upravljanju otpadom Federacije BiH (Službene novine FBiH broj 33/03) određeno je da će se kantonalnim propisom urediti vršenje poslova javnih usluga za selektivni tretman otpada, gdje javne usluge obuhvataju prikupljanje otpada iz domaćinstava i drugih prostorija, tretman komunalnog otpada uključujući upravljanje povratom sirovina i mjesta za selektivno sakupljanje otpada. Iz korespodencije Federalnog ministarstva okoliša i turizma i JP "Vodovod i kanalizacija" doo Kiseljak vidljivo je da je resorno Ministarstvo izdavalo Rješenje o odobrenju plana upravljanja prema kojem je operator bio u obavezi da uđe u proces zatvaranja predmetne deponije a to nije učinjeno što zapisnikom broj UP1-10-23-3-00070/2019-1005-P-1005-1-P od 18.12.2019.godine konstatira federalni inspektor zaštite okoliša.

Temeljem Zakona o upravljanju otpadom član 8. (Službene novine SBK/KSB 04/05). propisano je da nadzor nad poslovima upravljanja svim vrstama otpada te određivanje lokacija i zemljišta u poslovima upravljanja otpadom obavlja općinska služba uprave mjerodavna za poslove okoliša.

Također temeljem Zakona o komunalnim djelatnostima SBK/KSB, član 42. (Službene novine SBK/KSB 13/13), a u vezi sa članom 4. stav 7. te članom 5 stav 2. i 3. istoga Zakona neupitne su nadležnosti općinskih organa u postupanju.

Nadalje, mišljenje je kantonalnog inspektora zaštite okoliša uvažavajući činjenicu da član 9. Zakona o komunalnim djelatnostima SBK/KSB (Službene novine SBK/KSB 13/13). u stavovima 1. i 2. govori o tome da se obavljanje pojedinih komunalnih djelatnosti koje se finansiraju iz općinskog budžeta općina obavezno povjerava javnom poduzeću komunalnih djelatnosti koje je odlukama općinskog vijeća osnovala za obavljanje komunalnih djelatnosti, te da ako javno komunalno poduzeće ne posjeduje odgovarajuće tehnološke i ekonomske uslove za obavljanje pojedinih povjerenih komunalnih djelatnosti, odnosno dijela pojedinih komunalnih djelatnosti, da se obavljanje tih djelatnosti može povjeriti drugom pravnom licu.

Konačno, temeljem člana 18. stav (1) ZUP-a stvarna nadležnost za rješavanje u upravnom postupku određuje po propisima kojima se određuje određena upravna oblast ili po propisima kojima se određuje nadležnost pojedinih organa, te članu 20. ZUP-a gdje se stvarna i mjesna nadležnost ne mogu mijenjati

dogovorom stranaka, dogovorom organa i stranaka ni dogovorom organa, osim ako je to zakonom drugačije određeno.

Inspektor ukazuje na mogućnost davanja ovlasti od strane rukovoditelja nadležnog općinskog organa uprave kada to potreba službe zahtijeva, drugom državnom službeniku istog organa koji ispunjava uvjete da izvrši samo određene poslove inspeksijskog nadzora, odnosno pomogne u vršenju određenog nadzora o čemu se obavezno donosi pisano rješenje u skladu sa članom 118. Zakona o organizaciji organa uprave u FBiH (Službene novine Federacije BiH, broj 35/05).

Na temelju gore izloženog inspektor je stava da je za navedenu problematiku kontrole i upravljanja gradskom deponijom "Berberuša" nadležna općina Kiseljak i nadležni općinski inspeksijski organi sukladno općinskim propisima kao i resorno Federalno ministarstvo okoliša i turizma te je i ranije temeljem člana 65, stav (4) ZUP-a predmet proslijeđen na postupanje nadležnim organima.

Dostaviti :

1. FMOIT, Hamdije Čemerlića 2, 71000 Sarajevo
2. JP Vodovod i kanalizacija doo, Kraljice Mira, Kiseljak
3. Parlament Federacije Predstavnički dom, Hamdije Kreševljakovića 3, Sarajevo
4. evidencija inspektora
5. a/a



Inspektor zaštite okoliša

Senad Rahmanović dr.vet.med.